



2023/2721

5.12.2023

CINNEADH (CBES) 2023/2721 ÓN gCOMHAIRLE

an 4 Nollaig 2023

Iena leasaítear Cinneadh (CBES) 2020/1999 maidir le bearta sriantacha in aghaidh sárúithe agus mí-úsáidí tromchúiseacha ar chearta an duine

TÁ COMHAIRLE AN AONTAIS EORPAIGH,

Ag féachaint don Chonradh ar an Aontas Eorpach, agus go háirithe Airteagal 29 de,

Ag féachaint don togra ó Ardionadaí an Aontais do Ghnóthaí Eachtracha agus don Bheartas Slándála,

De bharr an mhéid seo a leanas:

- (1) An 7 Nollaig 2020, ghlac an Chomhairle Cinneadh (CBES) 2020/1999 ⁽¹⁾.
- (2) Ar bhonn athbhreithniú ar Chinneadh (CBES) 2020/1999, measann an Chomhairle gur cheart síneadh a chur lena chur i bhfeidhm go dtí an 8 Nollaig 2026. Ina theannta sin, measann an Chomhairle gurb íomchuí clásal athbhreithnithe a thabhairt isteach a bhaineann leis an sásra maolaithe atá ann cheana.
- (3) Ar bhonn athbhreithniú a rinneadh ar an Iarscríbhinn a ghabhann le Cinneadh (CBES) 2020/1999, ba cheart síneadh a chur, go dtí an 8 Nollaig 2024, le cur i bhfeidhm na mbearta a leagtar amach in Airteagail 2 agus 3 den Chinneadh sin a mhéid a bhaineann le daoine nádúrtha agus dlítheanacha, eintitis, agus comhlachtaí a liostaítear san Iarscríbhinn sin. Ba cheart na hiontrálacha a bhaineann le naonúr daoine nádúrtha agus trí eintiteas a áirítear san Iarscríbhinn sin a thabhairt cothrom le dáta.
- (4) Dá bhrí sin, ba cheart Cinneadh (CBES) 2020/1999 a leasú dá réir sin,

TAR ÉIS AN CINNEADH SEO A GHLACADH:

Airteagal 1

Leasaítear Cinneadh (CBES) 2020/1999 mar a leanas:

- (1) Cuirtear an méid seo a leanas in ionad Airteagal 10:

'Airteagal 10

1. Beidh feidhm ag an gCinneadh seo go dtí an 8 Nollaig 2026 agus coinneofar faoi shíor-athbhreithniú é. Beidh feidhm ag na bearta a leagtar amach in Airteagail 2 agus 3 a mhéid a bhaineann le daoine nádúrtha agus dlítheanacha, eintitis, agus comhlachtaí a liostaítear san Iarscríbhinn, go dtí an 8 Nollaig 2024.

2. Déanfar an maolú dá dtagraítear in Airteagal 4(1) a athbhreithniú go tráthrialta agus, ar a laghad, gach 12 mhí nó ar iarraidh phráinneach ó aon Bhallstát, ón Ardionadaí, nó ón gCoimisiún tar éis d'athrú ó bhonn teacht ar na himthosca.;

- (2) leasaítear an Iarscríbhinn i gcomhréir leis an Iarscríbhinn a ghabhann leis an gCinneadh seo.

Airteagal 2

Tiocfaidh an Cinneadh seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Arna dhéanamh sa Bhruiséil, an 4 Nollaig 2023.

Thar ceann na Comhairle
An tUachtarán
O. PUENTE SANTIAGO

⁽¹⁾ Cinneadh (CBES) 2020/1999 ón gComhairle an 7 Nollaig 2020 maidir le bearta sriantacha in aghaidh sárúithe agus mí-úsáidí tromchúiseacha ar chearta an duine (IO L 410I, 7.12.2020, lch. 13).

IARSCRÍBHINN

Leasaítear an Iarscríbhinn a ghabhann le Cinneadh (CBES) 2020/1999 mar a leanas:

(1) i roinn A ('Daoine nádúrtha'), cuirtear an méid seo a leanas in ionad na n-iontrálacha maidir leis an naonúr daoine nádúrtha seo a leanas:

	Ainmneacha (Traslitriú isteach i script na Laidine)	Ainmneacha	Faisnéis aitheantais	Cúiseanna lena liostú	Dáta an liostaithe
'2.	Alexander (Alexandr) Ivanovich BASTRYKIN	Александр Иванович БАСТРЫКИН	<p>Post/poist: Cathaoirleach ar Choiste Fiosrúcháin Chónaidhm na Rúise</p> <p>Dáta breithe: 27.8.1953</p> <p>Áit bhreithe: Pskov, Russian SFSR (Cónaidhm na Rúise anois)</p> <p>Náisiúntacht: Rúiseach</p> <p>Inscne: fireann</p>	<p>Tá Alexander Ivanovich Bastrykin ina chathaoirleach ar Choiste Fiosrúcháin Chónaidhm na Rúise ('an Coiste') ó mhí Eanáir 2011 i leith (agus bhí sé ina chathaoirleach gníomhach ó mhí Dheireadh Fómhair go mí na Nollag 2010). Sa cháil sin, déanann sé formhaoirseacht ar ghníomhaíochtaí uile an Choiste. Go hoifigiúil, is é Uachtarán na Rúise a dhéanann cathaoirleacht ar an gCoiste. Ina cháil mar chathaoirleach an Choiste, tá Alexander Bastrykin freagrach as sárúithe tromchúiseacha ar chearta an duine sa Rúis, lena n-áirítear gabhálacha agus coinneálacha treallacha.</p> <p>Tá Alexander Bastrykin freagrach as feachtais diansmachta fhorleathana chórasacha an Choiste in aghaidh fhreasúra na Rúise, feachtais atá dírithe ar chomhaltaí an fhreasúra agus a dhéanann imscrúdú ina leith. An 29 Nollaig 2020, sheol an Coiste imscrúdú maidir le ceannaire an fhreasúra Alexei Navalny, agus cúisíodh é as calaois fhorleathan. D'fhoilsigh Alexei Navalny agus daoine eile ailt maidir le húinéireacht Alexander Bastrykin ar ghnólacht réadmhaoine Seiceach LAW Bohemia sna 2000í.</p> <p>In 2022, tá an Coiste Fiosrúcháin, a bhfuil Alexander Bastrykin fós ina chathaoirleach air, tar éis 92 shaighdiúir de chuid na hÚcráine a chúiseamh as coireanna in aghaidh an chine dhaonna le linn chogadh foghach na Rúise i gcoinne na hÚcráine.</p>	2.3.2021

	Ainmneacha (Traslitriú isteach i script na Laidine)	Ainmneacha	Faisnéis aitheantais	Cúiseanna lena liostú	Dáta an liostaithe
6.	WANG Junzheng	王君正 (Litriú Síneise)	<p>Post/poist: Comhalta de 20^ú Páirtí Cumannach na Síne (CCP) an Coiste Lárnach (mí na Nollag 2022 - mí na Nollag 2026); Leas-Uachtarán ar an 14^ú Daon-Chomhdháil Náisiúnta (NPC, mí Feabhra 2023 - mí Feabhra 2027); Rúnaí Páirtí Pháirtí Cumannach na Síne (CCP) i Réigiún Féinrialaitheach na Tibéide (TAR); iar-Rúnaí Páirtí an Xinjiang Production and Construction Corps (XPCC), agus Leas-Rúnaí Choiste Pháirtí Réigiún Féinrialaitheach Uigiúrach Xinjiang na Síne; Coimeasár polaitiúil XPCC agus POF an China Xinjian Group</p> <p>Dáta breithe: Bealtaine 1963</p> <p>Áit bhreithe: Linyi, Shandong (an tSín)</p> <p>Náisiúntacht: Síneach</p> <p>Inscne: fireann</p>	<p>Rúnaí Páirtí Pháirtí Cumannach na Síne (CCP) i Réigiún Féinrialaitheach na Tibéide (TAR) ó mhí Dheireadh Fómhair 2021. Comhalta de Choiste Lárnach (mí na Nollag 2022 - mí na Nollag 2026) 20^ú Pháirtí Cumannach na Síne (CCP). Leas-Uachtarán ar an 14^ú Daon-Chomhdháil Náisiúnta (NPC, mí Feabhra 2023 - mí Feabhra 2027).</p> <p>Iar-Rúnaí Páirtí ar Xinjiang Production and Construction Corps (XPCC) agus Leas-Rúnaí Choiste an Pháirtí de Réigiún Féinrialaitheach Uigiúrach Xinjiang (XUAR) na Síne ó mhí Aibreáin 2020 go mí Dheireadh Fómhair 2021, agus coimeasár polaitiúil XPCC ó mhí na Bealtaine 2020 go mí Dheireadh Fómhair 2021. Iar-Rúnaí ar Choiste um Ghnóthaí Polaitiúla agus Dlíthiúla XUAR, ó mhí Feabhra 2019 go dtí mí Mheán Fómhair 2020. Bhí poist shinsireacha eile ag Wang Junzheng in XPCC.</p> <p>Is eagraíocht eacnamaíoch pharamíleatach faoi úinéireacht an stáit in XUAR é XPCC, a bhfuil an t-údarás riaracháin á fheidhmiú aige agus na gníomhaíochtaí eacnamaíocha á rialú aige in Xinjiang.</p> <p>Ina cháil mar Rúnaí Páirtí agus coimeasár polaitiúil ar XPCC, bhí páirt ag Wang Junzheng sna beartais go léir a chuir XPCC chun feidhme a mhaoirsiú. Sa phost sin, bhí sé freagrach as sárúithe tromchúiseacha a dhéanamh ar chearta an duine sa tSín, go háirithe coinneáil threallach ar mórsála agus táirde ar Uigiúraigh agus ar dhaoine de chuid mionlach eitneach Moslamach eile, chomh maith le sárúithe córasacha ar a saoirse reiligiúin nó creidimh, mar chuid, <i>inter alia</i>, den chur chun feidhme a rinne an XPCC ar chlár mórsála faireachais, coinneála agus síolteagais a bhí spriocdhírthe ar Uigiúraigh agus ar dhaoine ó mhionlaigh eitneacha Mhoslamacha eile.</p> <p>Bhí sé freagrach freisin as an úsáid chórasach a bhaineann XPCC as Uigiúraigh agus daoine ó mhionlaigh eitneacha Mhoslamacha eile mar lucht saothair éignithe, go háirithe i ngoirt chadáis.</p> <p>Ina cháil mar Leas-Rúnaí ar Choiste Páirtí XUAR, bhí páirt ag Wang Junzheng i mbeartas slándála atá á gcur chun feidhme in Xinjiang, lena n-áirítear an clár réamhluaithe lena spriocdhírtear ar Uigiúraigh agus ar dhaoine ó mhionlaigh eitneacha Mhoslamacha eile. Ina cháil mar Rúnaí ar Choiste um Ghnóthaí Polaitiúla agus Dlíthiúla XUAR ó mhí Feabhra 2019 go dtí mí Mheán Fómhair 2020, bhí Wang Junzheng freagrach as an tslándáil inmheánach a choimeád agus forfheidhmiú an dlí in XUAR. Mar sin, bhí príomhphost polaitiúil aige i gceannas ar mhaoirsiú agus ar chur chun feidhme an chláir réamhluaithe.</p>	22.3.2021

	Ainmneacha (Traslitriú isteach i script na Laidine)	Ainmneacha	Faisnéis aitheantais	Cúiseanna lena liostú	Dáta an liostaithe
7.	WANG Mingshan	王明山 (Litriú Sínise)	<p>Post/poist: Leas-Uachtarán ar an 14^ú Daon-Chomhdháil Náisiúnta (NPC, mí Feabhra 2023 - mí Feabhra 2027); Comhalta de Bhuanchoiste Choiste Páirtí Réigiún Féinrialaitheach Uigiúrach Xinjiang (XUAR); Rúnaí ar Choiste um Ghnóthaí Polaitiúla agus Dlíthiúla XUAR</p> <p>Dáta breithe: Eanáir 1964</p> <p>Áit bhreithe: Wuwei, Gansu (An tSín)</p> <p>Náisiúntacht: Síneach</p> <p>Inscne: fireann</p>	<p>Comhalta de Bhuanchoiste Choiste Páirtí Réigiún Féinrialaitheach Uigiúrach Xinjiang (XUAR) agus Rúnaí ar Choiste um Ghnóthaí Polaitiúla agus Dlíthiúla XUAR ó mhí Mheán Fómhair 2020. Leas-Uachtarán ar an 14^ú Daon-Chomhdháil Náisiúnta (NPC, mí Feabhra 2023 go mí Feabhra 2027).</p> <p>Iar-Stiúrthóir agus Leas-Rúnaí an Pháirtí ar Bhiúró Slándála Poiblí Xinjiang (XPSB) idir 2017 agus mí Eanáir 2021.</p> <p>Ina cháil mar Rúnaí ar Choiste um Ghnóthaí Polaitiúla agus Dlíthiúla XUAR ó mhí Mheán Fómhair 2020, is é Wang Mingshan atá freagrach as an slándáil inmheánach agus forfheidhmiú an dlí a chothabháil in XUAR. Mar sin, tá príomhról polaitiúil aige agus maoirseacht ar chlár faireachais, coinneála agus síolteagaisc ar an mórscála faoina chúram aige ina ndéantar spriocdhírú ar Uigiúraigh agus ar dhaoine ó mhionlaigh eitneacha Mhoslamacha eile.</p> <p>Ina cháil mar Iar-Stiúrthóir agus Leas-Rúnaí an Pháirtí ar XPSB (2017 go Eanáir 2021), bhí príomhról aige i bhfearas slándála Xinjiang agus bhí sé freagrach go díreach as an gclár thuasluaite a chur chun feidhme. Go háirithe, rinne XPSB ardán do 'Oibríochtaí Comhpháirteacha Comhtháite' (IJOP) a imscaradh, clár mórshonraí a úsáidtear chun na milliúin Uigiúrach a lorg agus aird a tharraingt orthu siúd a mheastar 'baol bagartha' a bheith ag baint leo lena gcur go campa coinneála.</p> <p>Mar gheall ar an bpost atá aige faoi láthair agus na feidhmeanna a bhí aige roimhe sin, tá Wang Mingshan freagrach as mí-úsáidí tromchúiseacha a dhéanamh ar chearta an duine sa tSín, go háirithe coinneáil threallach ar mórscála agus íde tháireach ar Uigiúraigh agus ar dhaoine ó mhionlaigh eitneacha Mhoslamacha eile, chomh maith le sárúithe córasacha ar a saoirse reiligiúin nó creidimh.</p>	22.3.2021

	Ainmneacha (Traslitriú isteach i script na Laidine)	Ainmneacha	Faisnéis aitheantais	Cúiseanna lena liostú	Dáta an liostaithe
10.	RI Yong Gil ar a dtugtar freisin RI Yong Gi, RI Yo'ng-kil, YI Yo'ng-kil	리영길 (Litriú Cóiréise)	Post/poist: Ceann Foirne an Fhoireann Ghinearálta Arm Pobail na Cóiré(KPA) Grád: Leas-Mharascal Dáta breithe: 1955 Náisiúntacht: Daon-Phoblacht Dhaonlathach na Cóiré (DPRK) Inscne: fireann	<p>Is é Ri Yong Gil Ceann Foirne Fhoireann Ghinearálta Arm Pobail na Cóiré (KPA). Ba é Aire Cosanta Náisiúnta Dhaon-Phoblacht Dhaonlathach na Cóiré (DPRK) é ó mhí an Mheithimh nó ó mhí Iúil 2021 go dtí mí na Nollag 2022. Ba é an tAire Slándála Sóisialta é ó mhí Eanáir 2021 go dtí mí an Mheithimh nó mí Iúil 2021. Ba é an Ceann Foirne ar Fhoireann Ghinearálta KPA é freisin idir 2018 agus mí Eanáir 2021. Tugadh ardú céime dó go Leas-Mharascal KPA an 14 Aibreán 2022.</p> <p>Ina cháil mar Cheann Foirne ar Fhoireann Ghinearálta KPA, agus ina cháil mar iar-Aire Cosanta Náisiúnta, is é Ri Yong Gil atá freagrach as na sáruithe tromchúiseacha forleathana ar chearta an duine an KPA, lena n-áirítear na sáruithe sin a rinne comhaltaí den Aonad Slándála Míleata agus d'aonaid eile de KPA.</p> <p>Is iad Aireacht Slándála Stáit DPRK (ar a dtugtaí Aireacht Slándála na nDaoine nó Aireacht Slándála Poiblí tráth) agus an tAonad Slándála Míleata na príomhinstitiúidí a bhfuil de chúram orthu beartais slándála choisctheacha DPRK a chur chun feidhme, lena n-áirítear ceastóireacht agus pionós a chur ar dhaoine a bhí ag teitheadh 'go neamhdhleathach' ó DPRK. Tá an Aireacht Slándála Sóisialta i bhfeighil na gcampaí príosúin agus na n-ionad coinneála oibre trína Biúró Príosúin, áit ina mbíonn príosúnaigh agus cimí faoi réir ocraas d'aon ghnó agus íde mhídhaoimne agus tháireach eile.</p> <p>Ina cháil mar iarCheann ar an Aireacht Slándála Sóisialta, tá Ri Yong Gil freagrach as sáruithe tromchúiseacha ar chearta an duine in DPRK, go háirithe céasadh agus íde nó pionóis eile atá cruálach, mídhaoimne nó táireach, básuithe agus maruithe seachbhreithiúnacha, achomair nó treallacha, fuadach, agus gabháil agus coinneáil threallach, mar aon le saothar éignithe forleathan agus foréigean gnéasach i gcoinne na mban.</p>	22.3.2021

	Ainmneacha (Traslitriú isteach i script na Laidine)	Ainmneacha	Faisnéis aitheantais	Cúiseanna lena liostú	Dáta an liostaithe
18.	Valery (Valeriy) Nikolaevich ZAKHAROV	Валерий Николаевич Захаров (Litriú Rúisise)	Post/poist: Comhairleoir slándála d'Uachtarán Phoblacht na hAfraice Láir (PAL) Uimhir aitheantais an Ghrúpa Wagner: M-5658 Dáta breithe: 12.1.1970 Áit bhreithe: Leningrad, Russian SFSR (Cónaidhm na Rúise anois) Náisiúntacht: Rúiseach Inscne: fireann	Is é Valery Zakharov, iarchomhalta de Sheirbhís Chónaidhme Slándála Chónaidhm na Rúise (FSB), iarchomhairleoir slándála Uachtarán Phoblacht na hAfraice Láir (PAL). Is duine rithábhachtach é i struchtúr ceannais an Ghrúpa Wagner agus coimeádann sé dlúthnaisc ar bun le húdaráis na Rúise. Mar gheall ar an tionchar a bhí aige ar PAL agus ar a ról ceannasach sa Ghrúpa Wagner, tá Valery Zakharov freagrach as sáruithe tromchúiseacha ar chearta an duine arna ndéanamh ag an nGrúpa Wagner in PAL, lena n-áirítear básuithe agus maruithe seachbhreithiúnacha, achomaire nó treallacha. Áirítear leis seo dúnmharú triúr iriseoirí Rúiseacha in 2018, a raibh Valery Zakharov freagrach as a slándáil.	13.12.2021
19.	Maxim SHUGALEY ar a dtugtar freisin Maksim SHUGALEI	Максим ШУГАЛЕЙ (Litriú Rúisise)	Post/poist: Uachtarán an Foundation for the Defence of National Values (FDNV) Dáta breithe: 24.2.1966 Áit bhreithe: Leningrad, iarUSSR (St. Petersburg, Cónaidhm na Rúise anois) Náisiúntacht: Rúiseach Inscne: fireann Pasuimhir/uimhir aitheantais: 710508436 (Pas Rúiseach)	Is é Maxim Shugaley ceann an Foundation for the Defence of National Values (FDNV), eintiteas a bhaineann leis an nGrúpa Wagner. Feidhmíonn FDNV mar ghéag caidrimh phoiblí an Ghrúpa Wagner agus baineann ról Maxim Shugaley in FDNV le feachtais bholscaireachta agus bhréagaisnéise a stiúradh ar son an Ghrúpa Wagner, lena n-áirítear chun clú an Ghrúpa Wagner a fheabhsú agus tacú lena imscaradh, chomh maith le cur isteach ceilte a dhéanamh ar son an Ghrúpa Wagner sna tíortha éagsúla ina bhfuil sé gníomhach. Tá an Grúpa Wagner liostaithe le haghaidh sáruithe tromchúiseacha ar chearta an duine, lena n-áirítear céasadh agus básuithe agus maruithe seachbhreithiúnacha, achomaire nó treallacha, i dtíortha éagsúla, lena n-áirítear an Libia, Mailí, agus Poblacht na hAfraice Láir. Tá baint ag Maxim Shugaley leis an nGrúpa Wagner agus tá sé freagrach as tacú le gníomhartha an Ghrúpa Wagner agus é a spreagadh trí bholscaireacht agus bréagaisnéis atá ar son an Ghrúpa Wagner.	25.2.2023

	Ainmneacha (Traslitriú isteach i script na Laidine)	Ainmneacha	Faisnéis aitheantais	Cúiseanna lena liostú	Dáta an liostaithe
21.	Konstantin Alexandrovich PIKALOV	Константин Александрович ПИКАЛОВ (Litriú Rúisise)	Post/poist: Duine de Cheannasaithe PMC an Ghrúpa Wagner san Afraic Dáta breithe: 23.7.1968 Náisiúntacht: Rúiseach Inscne: fireann	Tá Konstantin Pikalov, códainm ‘Mazai’ (Mazay), ar dhuine de cheannairí an Ghrúpa Wagner agus tá sé freagrach as gníomhaíochtaí oibríochtúla an Ghrúpa Wagner san Afraic, go háirithe i bPoblacht na hAfraice Láir (PAL). Cuirtear ina leith gurb eisean a thionscain dúnmharú triúr iriseoirí Rúiseacha i mí Iúil 2018. Ó mhí Aibreáin 2023 i leith, is é atá i gceannas ar ghrúpa nua paraimíleata (Convoy) a cruthaíodh i mí na Samhna 2022 chun gníomhaíocht a dhéanamh i gcogadh foghach na Rúise I gcoinne na hÚcráine. Tá an Grúpa Wagner liostaithe le haghaidh sárúithe tromchúiseacha ar chearta an duine, lena n-áirítear céasadh agus básuithe agus marúithe seachbhreithiúnacha, achomaire nó treallacha, i dtíortha éagsúla, lena n-áirítear PAL. Agus ról ceannaireachta aige laistigh den Ghrúpa Wagner, tá Konstantin Pikalov freagrach as sárúithe tromchúiseacha ar chearta an duine arna ndéanamh ag an nGrúpa Wagner in PAL.	25.2.2023
24.	Alexander Alexandrovich IVANOV ar a dtugtar freisin Aleksandr Alexandrovich IVANOV; Alexander Alexandrovich IVANOV	Александр Александрович ИВАНОВ (Litriú Rúisise)	Post/poist: Ionadaí theagascóirí Ghrúpa Wagner i bPoblacht na hAfraice Láir Dáta breithe: 14.6.1960 Náisiúntacht: Rúiseach Inscne: fireann Seoladh: Bangui, Poblacht na hAfraice Láir	Is é Alexander Ivanov urlabhraí don Ghrúpa Wagner i bPoblacht na hAfraice Láir (PAL). Is é freisin atá ina cheann ar ‘Aontas na nOifigeach don tSlándáil Idirnáisiúnta’ sa Rúis, ar a dtugtar freisin ‘Pobal na nOifigeach don tSlándáil Idirnáisiúnta (COSI), cuideachta thosaigh Wagner a sheolann teagascóirí míleata na Rúise chuig PAL. Is amhais de chuid an Ghrúpa Wagner iad na teagascóirí sin. Tá an Grúpa Wagner liostaithe le haghaidh sárúithe tromchúiseacha ar chearta an duine, lena n-áirítear céasadh agus básuithe agus marúithe seachbhreithiúnacha, achomaire nó treallacha i dtíortha éagsúla, lena n-áirítear PAL. Ina phost mar ionadaí oifigiúil ar theagascóirí míleata na Rúise, tá baint ag Alexander Ivanov leis na sárúithe tromchúiseacha ar chearta an duine arna ndéanamh ag an nGrúpa Wagner in PAL.	25.2.2023

	Ainmneacha (Traslitriú isteach i script na Laidine)	Ainmneacha	Faisnéis aitheantais	Cúiseanna lena liostú	Dáta an liostaithe
35.	Toe Ui ar a dtugtar freisin Toe YI		<p>Post/poist: Leas-Aire Gnóthaí Baile</p> <p>Grád: Maor-Ghinearál</p> <p>Náisiúntacht: Maenmar/Burma</p> <p>Inscne: fireann</p>	<p>Ceapadh Maorghinearál Toe Ui mar Leas-Aire Gnóthaí Baile an 3 Feabhra 2023. Is é an iar-leas-ardcheannsaí ar Oifig an Cheannasaí um Ghnóthaí Slándála Míleata (OCMSA). Tá OCMSA freagrach as na hionaid choinneála agus cheistiúcháin i Maenmar/Burma a bhainistiú agus tá sé de chúram air faisnéis a bhailiú freisin.</p> <p>Baineann foireann OCMSA faoi údarás Ui úsáid as nochtacht éignithe, éigniú, turraingí leictreacha, baill ghiniúna a dhó agus foréigean iomarcach le linn coinneáil agus ceistiúcháin treallach fear, ban agus ball den phobal LADTIA.</p> <p>Ina cháil mar leas-ardcheannasaí OCMSA, tá an Maor-Ghinearál Toe Ui freagrach as sáruithe tromchúiseacha ar chearta an duine i Maenmar/Burma, lena n-áirítear coinneáil agus ceastóireacht threallach, agus as foréigean córasach forleathan gnéis agus inscnebhunaithe.</p>	7.3.2023';

(2) i roinn B ('Daoine dlítheanacha, eintitis agus comhlachtaí'), cuirtear an méid seo a leanas in ionad na n-iontrálacha maidir leis na trí eintiteas seo a leanas:

	Ainm (Traslitriú isteach i script na Laidine)	Ainm	Faisnéis aitheantais	Cúiseanna lena liostú	Dáta an liostaithe
'8.	<p>Foundation for the Defence of National Values (FDNV)</p> <p>Fund for the Defence of National Values (FDNV)</p> <p>Foundation/organization for the Protection of National Values (FPNV)/(FZNC)</p> <p>Foundation for National Values Protection</p>		<p>Áit chláirúcháin: Moscó (64 Zemlyanoy Val str., building 2, office 201, Moscow, Cónaidhm na Rúise)</p> <p>Suíomh gréasáin: https://en.fznc.ru/</p>	<p>Tá baint ag an Foundation for the Defence of National Values (FDNV) leis an nGrúpa Wagner. Feidhmíonn FDNV mar ghéag caidrimh phoiblí an Ghrúpa Wagner. Stiúránn sé feachtais bholscaireachta agus bhréagaisnéise ar son an Ghrúpa Wagner, lena n-áirítear chun clú Wagner a fheabhsú agus chun tacú lena imscaradh, agus bíonn sé rannpháirteach i gcur isteach ceilte thar ceann an Ghrúpa Wagner sna tíortha éagsúla ina bhfuil sé gníomhach.</p> <p>Tá an Grúpa Wagner liostaithe le haghaidh sáruihte tromchúiseacha ar chearta an duine, lena n-áirítear céasadh agus básuithe agus maruithe seachbhreithiúnacha, achomaire nó treallacha, i dtíortha éagsúla, lena n-áirítear an Libia, Mailí, agus Poblacht na hAfraice Láir.</p> <p>Tá baint ag FDNV leis an nGrúpa Wagner agus tá sé freagrach as tacú le gníomhartha an Ghrúpa Wagner agus é a spreagadh trí bholscaireacht ar son an Ghrúpa Wagner, trí chur isteach polaitiúil agus tríd an mbréagaisnéis.</p>	25.2.2023
10.	<p>Meroe Gold Co. Ltd.</p> <p>ar a dtugtar freisin Meroe For Agricultural & Animal Production; Al-Solag; Al-Sarraj Mining Company Ltd; Al-Sawlaj Mining Company Ltd; Al-Solaj Mining Company)</p>		<p>Áit chláirúcháin: Al-jref Gharb Plot 134 Blok 1h, Khartoum, an tSúdáin</p> <p>Faisnéis eile: Mianadóireacht mianta miotail neamhfheiriúla eile</p> <p>Bainteach le:</p> <p>Al Sawlaj for Mining Ltd</p> <p>الصولج</p> <p>Aswar Multi Activities Co., Ltd</p>	<p>Is eintiteas cumhdaigh é Meroe Gold d'oibríochtaí an Ghrúpa Wagner sa tSúdáin agus tá dlúthbhaint aige leis na hoibríochtaí sin. Trína bheith cleamhnaithe le harm na Súdáine, d'éirigh leis an nGrúpa Wagner ór na Súdáine a dhúshaothrú agus a onnmhairiú chuig an Rúis.</p> <p>Tá baint ag Meroe Gold leis an nGrúpa Wagner, atá liostaithe le haghaidh sáruihte tromchúiseacha ar chearta an duine, lena n-áirítear céasadh agus básuithe agus maruithe seachbhreithiúnacha, achomaire nó treallacha, i dtíortha éagsúla, lena n-áirítear sa tSúdáin. Trína ghníomhaíochtaí, tacaíonn Meroe Gold freisin leis na sáruihte sin arna ndéanamh sa tSúdáin.</p>	25.2.2023

	Ainm (Traslitríú isteach i script na Laidine)	Ainm	Faisnéis aitheantais	Cúiseanna lena liostú	Dáta an liostaithe
14.	Syrian Republican Guard		<p>Áit chláirúcháin: An tSiria</p> <p>Daoine aonair comhlachaithe:</p> <p>An Briogáidire-Ghinearál Mohamed Qasem (leascheannasaí),</p> <p>An Ginearál Malik Aliaa (ceannasaí uachtarach),</p> <p>Mohammad Nayouf, Mohamed Kaddor (ceannasaí),</p> <p>An tUachtarán Bashar Al-Assad</p>	<p>Is eintiteas é an Syrian Republican Guard atá freagrach as slándáil na n-oifigeach agus is cuid d'fhórsaí slándála na Siria é.</p> <p>Ina rannáin, tá foréigean gnéis agus inscnebhunaithe á dhéanamh go forleathan i gcoinne na mban, go háirithe le linn na coinbhleachta sa tSiria atá ar siúl faoi láthair. Tá tuairiscí tugtha ag íospartaigh faoi éignithe foréigneacha agus céasadh tar éis dóibh a bheith faoi réir gabháil threallach agus le linn coinneáil threallach.</p> <p>Tá an Syrian Republican Guard mar chuid de chur chuige córasach de chuid réimeas na Siria chun foréigean gnéis agus inscnebhunaithe a úsáid chun muintir na Siria, go háirithe mná agus cailíní, a chur faoi chois agus a imeaglú.</p> <p>Dá bhrí sin, tá an Syrian Republican Guard freagrach as sárúithe tromchúiseacha ar chearta an duine sa tSiria, lena n-áirítear céasadh agus íde nó pionós eile atá cruálach, mídhaonna nó táireach, gabháil nó coinneáil threallach chomh maith le foréigean forleathan gnéis agus inscnebhunaithe.</p>	7.3.2023'